

كهارب وزينة

كهارب وزينة علي كل بيت
في القرية والمدينة
وعلي شطوط الغيط
وجيشنا العظيم عقيدة ودين
ورافع سلاحه يحمي المصريين
وناسنا رازينة ايديهم ع الخزينة
بتحمي كل وادي رجالة في كل مينا
رجالنا في سينا عابروا الحدود
وكسروا انف الأعداء
وحلفوا لازم يعود
علمنا يرفرف ويطيير الحمام
وايد ع السلاح وقلم بيحبيب سلام
لا يهابوا العدو ولا يخافوا م الموت

وحلفوا ع الأرض ونادوا بأعلي صوت
الله أكبر الله أكبر الله أكبر
حى على الجهاد
اخونا المقاتل حاتم عبداللطيف
ومعاه البطل أحمد إدريس
بلدوزر في المعركة
واللي استشهد عريس
حكوا لنا عن بطولات
والجيش المصري الوطني
مانقولش زمانهم فات
دول في قلوبنا من بدرى
الواحد منهم بكتيبة جوا الميدان
والوقتي القعدة وياهم بعطر الريحان
حلق وطير يانسر فوق الأرض وسمانا
خليك خطير

واحمي البلاد من نفسنا وعدانا
لازم نحافظ عليها
مصر المحروسة دي أمانا
تصون الأرض والعرض وحبها جوانا
يا ام الهرم والنيل والسواقي
والزرع الأخضر
والمواويل في قلوبنا باقي
يا ام الضفيرة وشعرك السارح
زرعوا الأمل الولاد والنخيل طارح
والخير يعم علي بلادنا
والنبت الصالح في ولادنا
ماهي مصر أمانا وحياتنا

بمناسبة قرب احتفالات مصر بالسادس من أكتوبر المجيدة تحية
وتقدير لكل رجالات القوات المسلحة المصرية في حرب 1973
تحية للواء حاتم عبد اللطيف البلدوزر واللواء سفير أحمد إدريس